

Ngke e uti Violet,
a bane n ruru
bwai ni kabane!



TATARON TE MWAEIEI



Marooro ma am utu
bwa tera ae a na kara-
oia n tain te kabuani-
bwai ae karina.

Noelle Barrus
(E boboto i aon te karaki ae koaua)

Ebon matu Violet ngke e uti n tangin te rurungaa. N te moan tai, e iango bwa tao rebwen te baa.

Ma te rurungaa e tabe ni korakora ma ni korakora. E ioioi winton ana ruu.

E kawaekoaa n tekateka Violet. Aio bon te mwaeiei!

Ngaia ao ana utu a tia ni mwaing nako Peru n aki maan nako. E ataia bwa e katoatai te mwaeiei n te tabo aei. Ao ngaia ao ana utu a tia ni katauraoi ibukina ao a kakataneiai bwa tera ae a na karaoia. Ma aio e bon rangi ni kakamaaku nakon riki

are e tia ni iangoia. E kona n namakina rabwatana n ruru!

E biri Violet nakon te umwa ni kuuka ao ni kawakawa nako aan te taibora. Tabeua te teekan imwiina, mwanena ao tarina a roko irarikina. Ao ai uana naba ma Mom ao Dad.

“E rangi n tamaroa uringakin are ti a tia ni kataneiai iai,” e taku Dad. “Kam bane n RAOIROI?”

A katoutouii atuua mwanen ao tarin Violet.

Ma e rangi ni maaku Violet. E kamatuui

matana. E rang kangaanga aki iangoan te mwaeiei irarikina.

Ngkanne e uringnga Violet bwa e na tataro. E botii baina ao ni kabaraka atuuna. “Tamara are i Karawa,” e wirikiriki, “taiaoka kamanoia au utu.”

E reitinako n tataro Violet. E namakinna ae kanga iai ae e rabwatia. Ngke e a tia n tataro, e tararake. Mom ao Dad a botii baia. A karaoia naba mwanena ao tarina. A bane n tataro! E teimatoa n ruru aontano. Ma Violet e namakina te rau inanona ao n ana iango.

N tokina, e a toki te ruru. A tiku Violet ao ana utu teutana riki te tai iaan te taibora, ni kakoauaa bwa a bon mano.

“Tera aron am namakin?” E titiraki Mom nakon Violet.

“I NAKORAOI,” e taku Violet. “I rangi ni maaku n te moan tai. Ma te tataro e buokai n namakina te rau.” E rabwata Mom. E kukurei bwa Tamana are i Karawa e a tia ni buokia bwa e na namakina te rau. ●

E riki te karaki aei i Peru.